

ХЗҮХ-ийн захирлын 2011 оны 13 дугаар тушаалын 13 дугаар хавсралт

ХУУЛЬ ЗҮЙН ҮНДЭСНИЙ ХҮРЭЭЛЭНГИЙН НЭРЭМЖИТ ШАТРЫН ТЭМЦЭЭН ЗОХИОН БАЙГУУЛАХ ЖУРАМ

1. Монгол Улсын анхдугаар Үндсэн хуулийг баталж, Бүгд Найрамдах Улс тунхагласан өдрийг тохиолдуулан жил бүрийн 11 дүгээр сард Хууль зүйн үндэсний хүрээлэнгийн нэрэмжит Шатрын тэмцээнийг зохион явуулна.

Энэхүү тэмцээн нь Хуудь зүйн үндэсний хүрээлэнг олон нийтэд сурталчлах, шүүх эрх мэдлийн болон хууль сахиулах байгууллагын ажилтан, хууль зүйн их, дээд сургуулийн багш, судлаачдын дунд шатрын спортыг түгээн дэлгэрүүлэх зорилготой.

2. Тэмцээнийг тус хүрээлэнгийн Захиргаа, аж ахуйн хэлтэс хариуцан шатрын холбоо, шатар сонирхогч клуб зэрэг байгууллага, хувь хүний дэмжлэг тусламжтайгаар зохион байгуулна.

4. Тэмцээнд шүүгч, прокурор, өмгөөлөгч ноиариатч, цагдаа, тагнуул, Авлгатай тэмцэх газар, шүүхийн шийдвэр гүйцэтгэх байгууллагын үндсэн ажилтнууд болон хууль зүйн их, дээд сургуулийн багш, судлаачид оролцоно.

5. Тэмцээнд шаардагдах зардлыг байгууллагын жил бүрийн төсөвт тусгах ба холбогдох зардлын тооцоог гарган Захирлаар батлуулна.

6. Түүнчлэн тус хүрээлэнтэй хамтран ажилладаг болон шатрын спортыг дэмжигч байгууллага, иргэдийн хандив, тусламжийг авч болно.

7. Сонирхогчдын хандив, тусламж нь мөнгөн, эд материал болон шагнал урамшууллын хэлбэртэй байж болно. Хандив, тусламжийг хүлээж авах, зарцуулах эрэг асуудлыг зохион байгуулагч комисс хариуцна.

8. Тэмцээний эхний 3 байр эзэлсэн шатарчдыг шилжин явах цом, урамшуулал, үнэ бүхий зүйлээр урамшуулна.

9. Мөн Монгол Улсын Хөдөлмөрийн баатар, Ардын багш, Гавъяат хуульч, доктор профессор Б.Чимидийн нэрэмжит тусгай шагналтай байх ба тусгай лагалыг чадварлаг, уран тоглолт үзүүлсэн оролцогчид олгоно.

-----ooOoo-----